

KONTAKBESONDERHEDE

Kerkkantoor
Erna Schuite
028 435 6789
* suidpuntngkerk@gmail.com
Leraar
Ds Franziska Andrag-Meyer
082 055 8921
* andragmeyer@gmail.com
Koster
Elize Oosthuizen
060 884 4756

BANKBESONDERHEDE

NGK Suidpunt
ABSA
Takkode: 334-412
Rek nr: 1780147276
Gee asseblief 'n verwysing,
bv. Dankoffer

Hoe om **Mobipaid** te gebruik om geld in die kerk se rekening te betaal.
STAP 1: Gebruik selfoon en gaan na jou kamera. "Scan QR Code" en Klik op "mpaid.us" (LW NIE jou Bank QR code nie) STAP 2: Voltooi inligting op skerm a) Naam b) Bedrag. c) Klik op Visa/Master STAP 3: Voltooi kaartbesonderhede. Laastens: Jy kan dit "save" en volgende keer net naam en bedrag invul.



Gelukkige verjaardag

| | | |
|---------|-----------|-------|
| Cornee | Claassen | 11/24 |
| Kobus | Pretorius | 11/24 |
| Adri | Maritz | 11/26 |
| Burger | Visser | 11/27 |
| Maureen | Conradie | 11/28 |
| Rubie | Kleinhans | 11/29 |

Straatwerk

Vir enige navrae of donasies kontak asb vir Kobus Meyer
0845142838.



BULLETIN

23 November 2025

WELKOM!

EREDIENSTYE 23/11

08h30 L'Agulhas
09h30 Struisbaai
Kategese
Spesiale kollekte:
Herberg Kinderhuis
Dinsdag
14h00 Klerebank
18h30 Kerkraad
Woensdag
17h30 Gebedsgeleentheid

EREDIENSTYE 30/11

09h30 Struisbaai
Nagmaal
Kategese
Spesiale kollekte:
Instandhouding



1. Die Kerkraadsvergadering Dinsdag.
2. Ons koor wat Sondag 30 November by die Nagmaal sing.
3. Almal wat eksamen skryf.
4. Mense met besige programme.
5. Eensames.
6. Jantjie Steyn met die heengaan van haar eggenoot.

Ons Kerssangdiens, getiteld EENVOUD, vind plaas op Sondag, 21 Desember. Agter die skerms oefen ons jongklomp hard aan 'n toneel en die koorstemme weergalm nou al op Donderdagmiddae met die mooiste Kersmusiek. Merk jou kalender sodat jy weer opnuut kan hoor dat die weelde van Kersfees in die eenvoud daarvan lê.



Teksvers vir die week: Kol 1:11
Mag God deur sy wonderbare krag julle alle sterkte gee om in alle omstandighede geduldig te volhard.



Dankie vir:

1. Die heerlike KERKRAADSETE wat Christa-Marié Williams gereël het.
2. Die KOORKAMP wat Donderdag plaasgevind het. Al die betrokkenes wat bereid was om van 15h00 tot 20h00 te oefen. Wihan en Pieter (Marinda en Belia se mans) wat vir ons worsbroodjies voorberei het.
3. 'n Lewendige gemeente met baie lidmate wat op verskillende terreine diens doen.
4. U bewarende hand wat nie net vir ons lei nie, maar ons ook krag en ondersteuning gee in moeilike tye.
5. Mense wat omgee en dien.

Die Kerkkombuis verkoop Maandag tussen 9.00 en 10.00 Skaapskenkels teen R100 per kg. Pakke se gewig tussen 1,7 kg tot net so oor 2 kg. Kontant of Yoco masjien beskikbaar. Dankie almal.

Kersvader kom kuier!

Kersvader kom kuier weer vir die kinders op Dinsdag, 23 Desember, vanaf 17:00 in die NG kerk in L'Agulhas. Pa's en ma's, oupas en oumas word uitgenooi om die kort, informele geleentheid by te woon en te deel in die pret. Koop 'n geskenk, draai dit toe en MERK DUIDELIK (Kind se NAAM en VAN)) wie die geskenk moet ontvang. Die geskenke kan afgegee word by die NG-Kerkkantoor in Struisbaai tussen 8:00 en 12:00 soggens. Die sperdatum daarvoor is Vrydag 19 Desember. U word dan uitgenooi om op 23 Desember vanaf 17:00 saam met u kinders of kleinkinders by die NG kerk in Agulhas te kom kuier om vir Kersvader te ontmoet. Hy sal dan sorg dat die regte kinders die regte geskenke ontvang. Ons beoog om 'n kort Kersspel op te voer om vir die kleinspan iets van Kersfees te vertel. Ons hoop om op dié manier vir ons kinders herinneringe te gee van 'n spesiale Kersfees. Navrae Max Michau by 0835571300.



KONINKRYKSTYD

Ons is nou aan die einde van die kerkjaarsiklus. Die voorafgaande kerklike seisoene was: Advent, Kersfees, Epifanie, Lydenstyd, Pase & Pinkster. Die siklus begin weer ná Koninkrykstyd met Advent. Op 30 November vier ons 1ste Advent.

In Koninkrykstyd word ons stil en luister ons en ons groei in die geloof. 'n Groen tak kan in hierdie tyd simboliseer hoe dissipels moet groei.

Die gemeente fokus op groei in die geloof; die heerskappy van God en verkondiging van God se Koninkryk.

In Koninkrykstyd is Jesus, die Here, die Koning bo alle konings, lewend by ons teenwoordig deur sy Gees.

God se Koninkryk bring lewe in oorvloed.

Genesing, versorging, omgee vir mekaar, vrygewigheid en gasvryheid vier hoogty in God se Koninkryk.

Verder word onreg bestry om vir die verontregtes heling en vrede te bring.

Die sentrale gebod in God se Koninkryk is die LIEFDESgebod. ONS laat Sy Koninkryk kom as ons GEHOORSAAM aan die liefdesgebod lewe. So bring ons dan vreugde en vrede, wat tekens is van God se heerskappy.

Laat U Koninkryk kom!

NOODSPENS

Dit is Suidpunt Gemeente se gebruik om elke nagmaalsondag iets vir die noodspens te bring. Daar is mandjies in die Kerk se voorportaal daarvoor.